



U. L. P. 1898

Palma Mineo

PALMA MINEO

Cenni Biografici

Fa parte del Gruppo Poetico di S. Michele Ha partecipato a vari Recitals ed è presente in alcune Antologie e Fogli Unici.

E' nata a Trapani il 23-8-1937. Diplomata all'Istituto Tecnico Commerciale.

Presentazione

La sua Poesia è fresca, genuina ed è aderente alla realtà che la circonda...

Inesauribile la sua vena poetica...!



LU DIALETTU

Sicilia mia

*chi pena granni
sentu nta lu pettu
nun si usa chiù
lu tò dialettu!*

E viu chi a nuddu fa mpressioni

*virennu chi squagghia
comu cira a pricissioni*

Tanti seculi passaru

*e li siciliani
si italianizzaru*

Ma pi furtuna

*chi; stiornu comu aeri
nascinu figghi tò
amurusi e battaggheri
chini d'intellettu
e cu sangu all'occhi
addifenninu lu to dialettu*

Si lu picciriddu

*di li granni veni amminazzatu
picchè la to lingua
avia parlatu*

A scola c'insignanu

*li professura
chi lu dialettu
è d'ogni; populu
vera cultura.*

NUN LU SACCIU FARI

*Cavallittu, abbisi, tila
pinseddu, culura
fannu celebri
li pittura.*

*Frutta ritratti,
ciumi, mari
tutti cosi beddi
chi nun sacciu fari.*

*Cu carta e pinna
fazzu lu me disegnu
di chiddu chi viù o
chi no cori tegnu.*



AGUGGHIA ASSASSINA

*E' na' vugghia assassina
chi ruvina la vita
prima è nastro di sita
chi diventa catina
idda attacca lu corpu
e magari lu cori!!
perciò scampu nun avi
nun truvannu l'amuri...*

*Sta la matri pinsusa
cu' la manu 'nta frunti
nun lu sapi chi fari
pi' nun falla scappari.*

*Cu' cestinu, ricorda
all'asilu a purtava!!
dda serena, filici
finu aeri jucava!!*

*Staccata du so' ramu
comu un colpu di ventu
l'anni prestu passaru
canciau sintimentu*

*Pi' nna stizza di "roba"
pi' nna vugghia pungenti
si ruvina nna figghia
resta un cori dulenti.*

TERRA MIA

*Terra mia, lavata di lu mari,
vasata sempri di l'ardenti suli,
china di ciuri di biddizzi rari,
ti jocanu 'ntunnu muntagni di sali.*

*Li tramunti sannu veru d'incantu...
cu' li notti sireni, tutti stiddati,
puru annacata di ciuciuna di ventu
.. la cicala cu' li sò sirinati.*

*Amata terra di canti d'aceddi
di pani a vusteddi, di chiantu di celu,
chiesi addubbati cu' zagari e velu
cu' lu mari calmu oppuru 'ntimpesta
d'occhi 'nfucati strachini d'amuri
tanti figghi sturiusi cu' la gran testa...
a li voti, è veru, s'attrassa lu cori
sintennu amara vuci di lupara
ma la me' terra, nun ti lu poi scurdari,
è terra di cultura e luci di lampari.*